

KBA YURU FU GRONTAPU



Les 12 fu 22 Yuni 2024

"Meki ala muiti fu sabi san na tru,
no seri en, a srefi nanga koni, abi
ferstan nanga arki te trawan e
warskow yu" (Leri 23:23)



A moro bigi sani san sa sori a kba fu historia na a preiki fu a Bun nyunsu ini heri grontapu (Mat.24:14).

Fosi a preiki disi, a Santa Yeye o kon, nanga a srefi krakti di a ben kon na a pinksterdei. A sani disi wi sabi leki “a kriboi alen.”

Suma o kisi a kriboi alen ? Den di teki a besroiti fu tan getrow na Gado. Fu hori En komandi nanga fu prijse En fa a fiti. Den disi sa kisi “a stampu fu a libi Gado.” (Kon krin 7:2)



Seti yu srefi fu a kriboi feti:



A Wortu di e tya yu.



Stampu na a fes'ede.



Getrow ini anbegi.



Krakti fu tap'sei:



A kriboi alen.



A preiki fu a Bun nyunsu.



SET' YUSREFI FU A KRIBOI FETI

A WORTU DI E TYA YU

"Yu Wortu na wan lampu gi mi futu, wan leti gi mi pasi" (Singi 119:105)

Yu sabi pe wi kan feni san tru abra a kba fu grontapu ? Disi na a pasi:

«Bai san tru, no seri en» (Leri 23:23)


**"yu o sabi san na
tru" (Yoh.8:32)**

**"Yu Wortu na tru"
(Yoh.17:17)**

**"Te den opo a Wortu fu yu ai tyari leti kon, ai
meki den sma di no sab' furu kon srapu"
(Singi 119:130)**

**Ini den kriboi yuru, Satan o kisi okasi fu du ekte wondru. A sa du
dyote sani sofasi dati yu no man strei. (Kon krin 13:13,14; Mat.24:24)**

**Soso te wi sabi a Wortu her'bun, nanga a yepi fu a Santa Yeye, wi sa tan
tnapu ini san tru.(2 Peit.1:19-21)**





STAMPU NA A FES'EDE

“Dan mi luku, mi si a pikinskapu tnapu tapu a Sionbergi, makandra nanga wan hondro fotenti na fo dusun sma. Den disi ben abi a nen fu En P'pa na den fes'ede” (Kon krin 14:1)

A stampu fu Gado wi e si ini dri fasi:

1. A Santa Yeye. Bribi sma na alaten abi a stampu fu En. (Eif.4:30)
2. A nen noso a maniri fu Gado. Alasma di o wini sa abi dati. (Kon krin 14:1; 22:4)
3. Wan marki di o de fu si. (Kon krin 9:4; Eseik. 9:4)

Gado libi en stampu tapu wan fu den 10 komandi. Wan marki di krin na den di e anbegi En. (Eiseig.20:20)



San e meki a stampu	Ejemplo: moneda de euro (España)	A Sabat (Eksodes 20:8-11)
Nen	Filip VI	Yehofa
Sainde a de wan stampu	Kownu	Mekiman
A Kontren	Spanyorokondre	Loktu, kondre anga se



STAMPU NA DEN FES'EDE

“Dan mi luku, mi si a pikinskapu tnapu tapu a Sionbergi, makandra nanga wan hondro fotenti na fo dusun sma. Den disi ben abi a nen fu En P'pa na den fes'ede” (Kon krin 14:1)



A stampu noso marki yu kan kisi na tu difrenti fasi: na a fes'ede noso na a anu. Den getrow sma o kisi en na den fes'ede, den sma di no e bribi o kisi en na den fes'ede noso na den anu. (Kon krin 13:16). San na a difrenti?

Fes'ede

DENKI A TORI
BUN

Bribi ini a wan di
w'e anbegi

Mano

Anu (FENI WINI)

W'e anbegi di
w'e frede fu san
o psa.



Satan n'e span fu sainde w'e anbegi, ma Gado wani wi anbegi fu tru, nanga wi heri ati. (Roma 12:1)

GETROW INI ANBEGI

“Dan no wan sma kan bai noso seri, efu a no abi a marki fu a nen fu a meti, noso a nomru fu en nen” (Kon krin 13:17)

Den di no wani fu teki a marki fu a meti, no man bai noso seri, owktu den e kisi warskow fu dede. (Kon krin 13:15-17) Na trasei, efu den teki, den sa kisi den kriboi takru sani nanga a “tweide dede”, pe den o lasi a te'go libi. (Kon krin 16:2;14:9-11;20:4,13-15)



Ma san na a marki fu a meti? Wan chip, wan wenkri nomru noso wan sani na yu skin?



Efu a Sabat na a marki di yu kan si fu den di de getrow, dan a marki fu a meti no sa de wan sortu fasi tu?

Sensi a Wortu no e taki fu wan frander ini a dei fu anbegi, fu teki Sonde leki a dei fu anbegi, dan wi teki a dei fu anbegi tapu a makti fu a Kerki di meki wan frander (a nomru na 666)



Sortu makti wi sa teki dan? A makti fu libisma noso a makti fu Gado, di En Wortu e poti krin?



MAKTI FU LOKTU

A KRIBOI ALEN

"Sma fu Sion, un mus breiti, un mus prisiri. Bika Masra a Gado fu unu, o gi un alen" (Yowel 2:23)




A profetiman Yowel e gebroiki alen leki wan pikin a dyersi tori, fu a kon fu a Santa Yeye. (Yowel 2:23,28) Na so Peitres poti en, di a ben e taki na a dei fu penkster. (Bosk. 2:14-17)

A alen disi e tya a koni fu Gado (Hoseya 6:3) Ini en ten a meki dusun dusun sma drai den libi ini wan enkri dei (Bosk. 2: 41)

Ini a kontren pe Israel ben e libi, a fruku alen (ini oktober) ben e seti a gron fu kan prani. Wan tweide alen ten, di den ben sabi leki "kriboi alen" (ini aprel) ben meki a gron abi krakti, fu meki den siri gro.

Soleki a kerki bigin nanga alen fu a Santa Yeye, a kriboi bari fu a bun nyunsu, a kriboi piki fu den froktu, sa de baka di a kriboi alen sa fadon : a Santa Yeye sa kon nanga krakti tapu den bribiwan fu den kriboi dei. (Kon krin 18:1)





A PREIKI FU A BUN NYUNSU

"Baka dati mi si wan tra Bunyeye saka kmoto fu heimel. A Bunyeye disi ben abi bigi makti e'n a brenki di a ben brenki ben krin a heri grontapu" (Kon krin 18:1)

Yohanes si "wan tra Bun yeye" kmoto fu heimel nanga makti. A brenki fu a Bunyeye disi furu a heri grontapu. (Kon krin 18:1) Sortu boskopu a bunyeye disi e preiki?

A boskopu na a srefi leki di fu a tweide bunyeye: Babilon fadon owktu a morsu ala nasi. (Kon krin 18:2,3;14:8)

A Santa Yeye sa kmoto na loktu nanga makti gi den getrow wan "di hori den komandi fu Gado nanga a bribi fu Yeises" (Kon krin 14:12) e'n di e bari a bunnyunsu kba, makandra nanga a warskow, dati a krutu e bigin, e'n a kari kon na ini fu anbegi a Mekiman (Kon krin 14:6,7)

Te den yere den boskopu disi, nanga a makti fu a kriboi alen, dan sma o musu fu teki wan fu den tu pasi. : teki a stampu fu Gado noso a marki fu a meti. (Kon kri. 14:9-11)

Furu sten sa bari a kriboi boskopu. Furu sa teki a besroiti fu tan getrow te na a kba.



“A saka kon fu a Santa Yeye tapu a kerki, sma e si leki wan sani di musu kon ete, ma na wansani di a kerki kan abi now.Suku fu en, begi fu en, bribi na en. Wi musu fu abi en,owktu heimel e waktu fu gi en”

EGW (Events of the Last Days, pg. 189)

“No wan sma no sa firi a atibron fu Gado,teleki san tru o sidon ini en ton ton nanga en konsensi, dan a poti en na wan sei. Furu sma de, di noiti kisi a okasi fu yere a spesrutu tru fu a ten disi.Dati den musu hori a komandi di e meki fo,so fa a musu de. En di e leisi ala ati, di sabi ala wi pasi, no sa libi no wan sma di wani sabi san na tru, fu den kori en nanga san o psa ini a strei. A komandi no musu stampu tapu den sma, sondro den ferstan. Ala sma musu abi nofo leti fu meki wan besroiti nanga en krin ferstan”

EGW (The Great Controversy, pg. 605)